

誠憶念必獲長命而無中天命終之後不墮  
惡趣若復有人利益有情發誠諦心受持讀  
誦臨命終時無諸怖畏亦無變怪及諸惡相  
於現在世又無白癩顛狂諸病及離水火刀  
兵疾疫蟲藥等毒乃至雷電一切諸難皆悉  
遠離若是經典所在之處十方諸佛及衆菩  
薩悉皆來集擁護是經令無障難若復有人  
於此經典書寫莊嚴護淨轉讀如造佛像種  
種嚴飾所獲功德而無有異若復有人供養  
諸佛精心離慢獲吉祥福息除災難若有受

持書寫此經恒離懈怠所獲功德亦復如是  
一切聖賢常恒擁護離諸災患爾時世尊說  
是經已四大天王龍神八部阿蘇囉等及諸  
人天一切大衆聞法歡喜信受奉行  
息除中天陀羅尼經

一切如來正法秘密薩印心陀羅尼經

宋西天北印度烏填曩國三藏傳法大師賜紫施護奉譯

如是我聞一時佛在摩訶訶陀國無垢園中寶  
光明池側與大菩薩及諸聲聞天龍夜叉捷  
聞婆阿蘇囉婆嚕荼緊那羅麼護囉誡人非

人等并諸王衆長者居士百千圍遶恭敬聽  
法爾時衆中有大富婆羅門名無垢妙光即  
於會中能解微妙曉達師法聰明辯才愛樂  
多聞修崇十善信重三寶歡喜踊躍而作是  
念一切有情修善爲因財富無量資具衆多  
我當修習爾時大婆羅門無垢妙光起立合  
掌遶佛七匝以種種華塗香鉢香等供養世  
尊及諸衣服真珠瓔珞價直百千持以施佛  
頭面禮足而白佛言世尊願起大悲願受我  
食如是三請爾時世尊默然受請於是無垢

妙光大婆羅門見其世尊默然受請而速歸  
還經於一宿備辦種種衆多美饌六味具足  
飲食辦已嚴飾舍宅樓閣浴池繒綵甚衆華  
香鉢香種種諸香及塗身香等諸供養具無  
不周備即時婆羅門等執持華幡奏諸伎樂  
與其眷屬往詣無垢園中寶光明池側迎請  
世尊到已白佛言世尊食時已至飯食悉辦  
唯願世尊與諸大衆往至我舍受我供養爾  
時世尊觀察衆會安慰無垢妙光大婆羅門  
曰善哉善哉如汝所願又告諸衆并餘天等

悉皆往彼於是世尊從座而起與諸大衆菩薩聲聞天龍八部人非人等及諸王衆臣民眷屬無量百千恭敬圍遶皆來集會當行往彼無垢妙光大婆羅門家爾時世尊身縱金色放種種光無量諸相變作種種光明之網徧照十方一切佛刹又復照曜彼佛刹中諸佛如來道場衆會變作種種供養之具照曜彼已還復來入釋迦牟尼身毛孔中即時無垢妙光大婆羅門與其眷屬一心恭敬欲供養佛掃除道路嚴飾清淨爾時世尊與諸大

衆天龍夜叉捷闍婆阿蘇洛婁嚕荼緊那羅摩護囉誡帝釋梵王護世四王摩醯首羅那羅延等百千之衆恭敬圍遶往詣於彼爾時世尊當路而行於前中路有一園苑名為安樂彼園苑內有大舊塔極甚損壞四邊荊棘草木叢林堅硬閉塞猶如丘阜爾時世尊將近彼塔丘阜四面周帀炎熾種種色相光明照曜於彼破塔遠近皆覩又於光中出妙音聲讚言善哉善哉釋迦牟尼佛清淨微妙瑞相無量不可稱量彼無垢妙光大婆羅門請

於如來今現希奇難思大事爾時釋迦牟尼  
如來旋遠破舊丘阜之塔欲伸供養復解自  
身衣服嚴具覆蓋於彼舊塔塼阜蓋覆已畢  
悲泣兩淚又復思念舍利出現及十方佛悉  
皆出現即時舍利從塔涌出皆在十方諸佛  
如來手掌中住爾時十方諸佛如來亦皆兩  
淚而彼諸佛身放光明照耀故塔作光明網  
內外瑩徹清淨無比然後光明及佛舍利還  
入塔中彼時衆會悉皆悲泣驚怪希奇歎未  
曾有爾時會中有大藥叉主名金剛手身光

卷四

十二

炎熾臂膊膂直柔軟光澤猶如象鼻輪金剛  
杵速疾往詣世尊之前頭面禮足而白佛言  
世尊云何現此希奇瑞相及十方佛悉皆兩  
淚光明照耀唯願如來爲我演說決於衆疑  
爾時世尊告大藥叉主金剛手言此是一切  
如來全身舍利聚此塔中及一切如來百千  
俱胝胡麻形像正法心印陀羅尼亦在塔中  
應知金剛手此胡麻量諸佛形像正法心印  
陀羅尼止住塔中由此百千俱胝如來全身  
舍利亦住此中若此正法心印陀羅尼在此

塔中彼八萬四千法門亦在此中及九十九  
百千俱胝如來頂髻受記亦在此中當知金  
剛手若一切如來舍利之塔及此正法心印  
陀羅尼所有功德無量無邊不可思議不可  
稱歎應知金剛手由此正法篋印心陀羅尼  
而能增長圓滿一切正法及諸功德爾時世  
尊說此法時彼諸大衆聞法歡喜滅除垢染  
得法眼淨其中有得預流一來不還阿羅漢  
果及緣覺乘其中有證初地二地乃至十地  
或於其中有得六波羅蜜悉皆圓滿或有得

受菩提之記或有獲得阿鞞跋致時彼無垢  
妙光大婆羅門即於會中離諸煩惱滅除障  
染獲五神通爾時金剛手大樂又主觀如是  
等希奇變現自在神通踊躍歡喜歎未曾有  
而白佛言世尊此正法印心陀羅尼有如是  
等廣大利益若諸有情書寫莊嚴受持讀誦  
尊重讚歎獲何果報願佛演說爾時世尊告  
大樂又金剛手言諦聽諦聽吾爲汝說若有  
苾芻苾芻尼鄔婆索迦鄔波斯迦受持讀誦  
書寫尊重此正法印心陀羅尼獲得九十九

百千俱胝胡麻量等形像如來福德之聚善  
根果報又得逢事彼諸如來受菩提記所以  
者何此正法印心陀羅尼是彼九十九百千  
俱胝那瑜多胡麻量等形像如來同共宣說  
若復有人受持讀誦此正法印心陀羅尼經  
即得值遇十方世界九十九百千俱胝那瑜  
多胡麻量等形像如來若有苾芻苾芻尼邬  
波索迦鄔波斯迦族姓男族姓女於此正法  
印心陀羅尼經若能日日恭敬供養華香綵  
香華鬘塗香細妙衣服及莊嚴具等所獲功

德如彼供養十方世界九十九百千俱胝胡  
麻等形像如來功德無異又得一一如來廣  
大莊嚴具等及獲無量七寶之聚如蘇彌盧  
爾時衆會天龍藥叉犍闥婆阿素囉婆嚩茶  
緊那羅摩護囉誡人非人等一切大衆悉皆  
驚疑歎未曾有如是朽爛破壞之塔常被荆  
棘閉塞草木叢林堅聲充滿猶如丘阜今日  
如來起大慈悲自在神通現如是等希奇瑞  
相七寶妙塔不可思議時諸大衆稱歎無盡  
即時會中有金剛手大藥叉主而白佛言世

尊云何破壞丘阜之塔變現如是衆妙莊嚴  
爾時佛告金剛手言離此破壞丘阜之塔無  
別七寶衆妙之塔所以者何隨識變現或見  
荊棘丘阜之塔或見七寶衆妙莊嚴又諸佛  
所現十方如來全身舍利所藏之塔百珍七  
寶衆妙莊嚴衆生惡業乃見荊棘破壞之塔  
當知金剛手大藥又主若於末世最後分時  
謂諸有情罪業深重不植善根廣作不善三  
惡道業以此因緣生無佛世亦常不聞諸佛  
名字及恒遠離僧法之名如是之事真實不

虛所以諸佛及我兩淚悲歎復次金剛手若  
正法將滅安住此塔一切如來全身舍利亦  
乃藏於此塔之中謂以一切如來所說之法  
而加護之即時金剛手大藥又主而白佛言  
世尊一切有情云何植善云何正法安置此  
塔爾時世尊告金剛手言若復有人信解受  
持讀誦書寫爲人演說種種莊嚴安置塔中  
即是安置一切如來全身舍利藏此塔中復  
得一切如來總持秘密而加護之復得十方  
世界九十九胡麻量等形像諸佛之塔而加

護之復得一切如來頂髻眼塔而加護之若復有人用於七寶如法加持雕作諸佛及菩薩像種種莊嚴安置塔中復用繖蓋相輪寶網鈴鐸衆妙嚴飾鐘磬鐃鼓及諸器物華香瓔珞衣服飲食諸供具等又以一切如來正法加持真實護淨精進恒時離於懈怠又復此塔時遷變壞重修嚴飾種種供養精心信敬不生疑謗彼當獲得無上菩提若復有人旋繞此塔一二匝等或一禮拜即得解脫無間之罪必當證得阿毗跋致乃至究竟佛果

菩提若有此塔所住之處一切十方諸佛形像亦在此中復次若有此塔之處由彼一切如來加護力故彼地四方而無毒龍雷雹風雨非時損害及諸怖畏彼處復無諸毒蟲蟻所謂毒蛇狼鼠蝗蟲蝮蝎黃蜂黑蜂乃至蜈蚣百足悉皆遠離復次彼地而無暴惡虎狼獅子飛禽走獸不能傷害又復彼地一切災難而無饞亂又無夜叉羅刹部多吠拏又毗舍遮顛狂鬼魅不能傷害又無瘡病瘡腫癰疽痔瘻白癩疥癬一切疾病不能侵害若復

有人見此寶塔歡喜讚禮諸損壞等不能侵  
害又復彼地牛馬羊犬種種傍生諸男女而  
無中天及無刀兵器仗水火焚漂怖畏等事  
彼地亦無飢饉疾疫種種怖畏彼處常得四  
大天王圓遶擁護及二十八部大藥又主密  
隱形儀恒來擁護及三十三天二十八宿羅  
睺諸星乃至日月晝夜順行若諸龍王恒常  
觀察應時降雨或有欲色乃至無色一切諸  
天於三際時來降此塔禮拜供養一切如來  
恭敬尊重憶念思惟若復有人恒常修嚴佛

塔形像或用木石泥土彩畫金銀鍮石等及  
此正法印心陀羅尼經書寫莊嚴又以一切  
如來如法護持然後安置寶塔之中又此寶  
塔四邊階道悉皆嚴飾相輪幢旛周帀懸鈴  
七寶羅網高廣大小隨意自在種種莊嚴又  
以十方如來正法而加持之復作一切聖賢  
擁護之法而加護持然後種種廣陳香華飲  
食乃至瓔珞精虔供養如是乃獲無量功德  
即時會中有金剛手大藥又主復白佛言世  
尊有何因緣此正法印心陀羅尼書寫受持

供養恭敬獲如是等無量功德爾時世尊告  
 金剛手言此是法界一切如來全身舍利秘  
 密薩印心陀羅尼所以獲是無量功德時金  
 剛手大藥叉主聞佛所說無量功德歡喜信  
 受復白佛言世尊願佛慈悲演說此法我等  
 樂聞爾時世尊告金剛手言汝等諦聽今為  
 汝說此正法印心陀羅尼是過去未來現在  
 諸佛同共宣說若有信受恭敬供養乃至證  
 入聲聞緣覺及於十地法報化身所以名為  
 全身正法秘密薩印爾時世尊即說呪曰

忠四

十七

曩莫悉底哩合三野一地尾合二迦去喃去引薩  
 縛怛他引去婆跢上南三唵四部悉底哩合二步  
 嚩曩嚩隸五嚩嚩隸六祖魯祖魯七他囉  
 他囉八薩縛怛他引去婆跢上馱引覩他哩九  
 鉢納麼合三去婆吠十惹野他哩捫上佐裔  
 一十婆麼合二囉達合麼作訖囉合二鉢囉合二轆  
 轉無鉢切舌哆曩嚩日哩合三員引去地曼上監上  
 迦囉上楞上訖哩合二帝合四薩嚩怛他引去婆哆  
 引地瑟恥合三帝合五員引去他野員引去他野合六員  
 引地員上准地合七沒較切身參去員引去他野參

去引去他野九左擺左擺左懶去觀十二薩嚩

薩怛嚩引二合喃二十薩嚩嚩引嚩嚩拏你二十

薩嚩播破尾薩帝三十護嚩護嚩四二十薩嚩

戌上迦尾薩帝二十薩嚩怛他引薩哆訖哩

合二那野嚩日哩二合拏二十參去婆去囉參去

婆去囉二十薩嚩多塢瑟膩合二灑二十陀去引

羅拏母捺哩十九二合沒第蘇沒第十三薩嚩轉嚩

怛他引去薩哆上引地瑟恥合二多三十馱引上觀薩

舌轉陸婆嚩引二合賀十二參去麼野引地瑟恥

合二帝婆嚩引二合賀十三三薩嚩怛他引去薩哆上

三十紇哩二合二那馱引上觀母捺哩二合婆嚩引二合

賀十三五阿鉢囉合二底瑟恥合二多宰觀合二閉十三

六怛他引去薩哆上引地瑟恥合二帝七三十虎嚩虎

嚩吽引吽引婆嚩引二合賀十八三唵引三薩嚩

怛他引去薩哆十四塢瑟膩合二灑陀去囉拏母捺

哩十一合四薩嚩怛他引去薩哆二十馱引上觀尾

部尸路上引四地瑟恥合二帝吽吽婆嚩合二

引賀十四

爾時世尊說此呪已告金剛手言今此全身  
秘密篋印心陀羅尼是諸如來普皆宣說徧

十方界於一一方有九十九胡麻量等形像  
如來百千俱胝那瑜多諸佛如來聞說此法  
皆來至此同共讚言善哉善哉釋迦牟尼善  
能演說正法篋印心陀羅尼廣令流布行閭  
浮提復令一切諸有情等以全身舍利安置  
此塔由此十方一切如來以諸三昧而加護  
之若復有人受持讀誦解說書寫此全身舍  
利秘密篋印心陀羅尼經及以金銀梅檀雕  
彩莊嚴安置塔中彼十方世界一切如來恒  
來在此而加護之爾時世尊說此正法篋印

心陀羅尼時此舊破壞丘阜之中出現七寶  
微妙之塔相輪幢旛種種莊嚴人天大衆無  
不皆見久現如故彼時衆會諸大菩薩及聲  
聞衆天龍八部人非人等覩此希奇皆悉歡  
喜爾時世尊說此法時諸大衆等金剛手大  
藥叉主無垢妙光太婆羅門并諸菩薩大聲  
聞天龍藥叉捷闍婆阿素囉婆嚩茶緊那囉  
麼護囉識人非人等國王大臣長者居士一  
切大衆聞佛所說一心信受歡喜而退  
一切如來正法秘密篋印心陀羅尼經

忠四

十九

